

Kuzingirwa kwa Upendo Wake

Mkaenende katika upendo, kama Kristo naye alivyowapenda ninyi tena akajitoa kwa ajili yetu, sadaka na dhabihu kwa Mungu, kuwa harufu ya manukato.—**Waefeso 5:2.**

Dunia ambayo Shetani amekuwa akiidai kuwa ni yake na kuitawala kwa ukatili, Mwana wa Mungu amefaulu, kwa mafanikio makubwa ya mara moja, kuizingira kwa upendo Wake na kuiunganisha tena na kiti cha enzi cha Yehova. Makerubi na Maserafi, na majeshi yasiyohesabika ya ulimwengu ambao haujaanguka, waliimba nyimbo za sifa kwa Mungu na kwa Mwana-Kondoo wakati ushindi huu ulipothibitishwa. Walishangilia kwamba njia ya wokovu ilikuwa imefunguliwa kwa jamii iliyoanguka dhambiini na kwamba dunia ingekombolewa kutoka katika laana ya dhambi. Ni zaidi kiasi gani yapasa wale hasa walio walengwa wa upendo huu washangilie!

Tunawezaje kudumu kuwa katika wasiwasi-na mashaka na kujisikia kwamba tu yatima? Yesu alijitwalia asili ya kibinadamu kwa niaba ya wale waliokuwa wameivunja sheria; Alikuwa kama sisi, ili tupate kuwa na amani na uhakika wa milele...

Hatua hakika katika kumjia Mungu ni kujua na kuamini upendo alio nao kwa ajili yetu (1 Yoh. 4:16); kwani ni kupitia kwa mvuto wa upendo Wake kwamba tunaangozwa kumjia Yeye.

Utambuzi wa upendo wa Mungu unawezesha kukataa ubinafsi. Tunapomuita Mungu kuwa Baba yetu, tunatambua watoto Wake wote kama ndugu zetu. Sisi sote tunakuwa sehemu ya mtandao mkubwa wa ubinadamu, wote tukiwa wanafamilia wa familia moja. Katika maombi yetu inatupasa tuhusishe kwa majirani zetu pamoja na sisi wenyewe. Hakuna aombaye kwa usahihi, ambaye anatafuta baraka kwa ajili yake mwenyewe.

Yesu alisema, Mungu asiye na ukomo anafanya iwe fursa ya pekee kwako kumfikia Yeye kwa jina la Baba. Hebu elewa yale yote yanayomaanishwa na jambo hili. Hakuna mzazi wa kidunia aliyewahi kumsihi kwa bidii mtoto wake aliyepotoka kama Yeye aliyekuumba anavyomsihi mkosaji. Hakuna shauku ya kibinadamu, yenye upendo iliopata kumfuata mkosaji kwa mialiko ya upendo kiasi hicho. Mungu yupo kwenye kila makazi; Yeye anasikia kila neno linalononwa, anasikia kila sala inayotolewa, anaonja kila huzuni na kuvunjika moyo kwa kila nafsi, anatazama kwa makini jambo linalotendwa kwa baba, mama, dada, rafiki na jirani. Yeye anajali mahitaji yetu na upendo na rehema. Yake na neema vinadumu kutiririka ili kuridhisha hitaji letu.

Lakini kama mkimwita Mungu Baba yenu na kukiri wenyewe kuwa ni watoto Wake, kuongozwa kwa hekima Yake na kuwa watii katika mambo yote, mkijua kuwa upendo Wake huwa haubadiliki. Mtaukubali mpango Wake kwa ajili ya maisha yenu. Kama watoto wa Mungu, mtashikilia heshima Yake, tabia Yake, familia Yake, kazi Yake, kama malengo ya juu kabisa ya shauku zenu. Itakuwa ndiyo furaha yenu kutambua na kuheshimu uhusiano wenu na Baba yenu na kila mwana familia pia. Mtafurahi kufanya jambo lolote, hata liwe la unyenyekevu kiasi gani, litakalokuwa na mwelekeo wa kumtukuza Yeye au kwa ajili ya ustawi wa jamaa zako (Thoughts from the Mount of Blessing, 104-106).